

NY FIAINGANA TAMPOKA,

MIAFINA AN'ILAY FIANGONANA

 Tokony hanao ny tsirairay avy hahatsapa ho tsara, sa tsy izany, ny fampidirana iray tahaka an'izany? Eny àry. Ndao isika hanondrika ny lohantsika ho an'ny fotoam-bavaka iray fotsiny alohan'ny hanokafantsika ny Teny.

² Tompo, milaza tahaka an'ireo fahiny izahay hoe, "Faly aho rehefa hoy izy ireo hoe, 'Ndao isika handeha hankany an-Tranon'ny Tompo.'" Tsy afaka mahita toerana tsaratsara kokoa hahatongavana izahay, androany, afa-tsy ny ho tonga eto mihitsy miaraka amin'ny fiangonan'ny Tompo, ao amin'ny fanompoana. Na dia mety manorana aza, ao ivelany, ary mety misy fahoriania sy ny sisa, saingy rehefa ao amin'Ny Fanatrehanao izahay, dia manana an'izao tsikin'ny fahafaham-po izao, hoe fantatray fa mahazo Ianao ary manao ny zavatra rehetra ho tsara ho anay fotsiny.

³ Hangataka fitahiana manokana izahay izao maraina izao eo amin'ireo izay tsy afaka tonga amin'ny favoriana. Maro, angamba, no ho tonga raha tsy dia tena ratsy ny toetr'andro. Fa enga anie izy ireo hahita fiononana eo am-pamakiana Ny Teninao, sy mihaino an'ireo mpitoriteny eo amin'ny radio, ary ireo fandaharana izay natokana ho an'ireo olona ireo.

⁴ Hangataka izahay mba Hitahianao manokana an'ireo izay ao amin'ny Fanatrehana Masina, nohon'ny ezak'izy ireo mba ahatongavana izao maraina izao, mba handre ny Tenin'ny Tompo, sy hanompo Azy amin'ny Salamo ary ao—ao amin'ny vavaka, sy ao amin'ny fanoloram-pisaorana.

⁵ Ary mangataka izahay, Andriamanitra, mba Hikasihanao ny vatan'ireo izay marary sy manana ilaina, izay miandry izao ankehitriny izao, tonga avy lavitra be mba hivavahana.

⁶ Ary mangataka izahay mba Hijerenao anay fotsiny, ka hiresaka aminay, mba ahafahanay izay eto izao maraina izao hanao jery todika ny toeranay manokana. "Zahao aho," hoy ny anankiray amin'ireo mpaminany, "ka zahao toetra aho, ary jereo raha misy ratsy ao anatiko." Ary amin'izay fotoana izay, Tompo, amin'ny fizahana, raha Hitanao fa misy ratsy ao anatinay, dia diovy izahay, Tompo, raha miaiky am-panetre-tena ny fahotanay sy ny fanaonay ratsy izahay.

⁷ Ary mangataka fotsiny izahay mba Ahatsiarovanao anay raha mijery an'i Jesosy Ianao, Ny Zanakao, Izay maty mba ho fanaovam-panavotana ny fahotanay sy ny helokay. Ary miaiky izahay hoe mino izahay fa maty ho an'izany tanjona izany

Izy, ary nitsangana indray, mba hanananay an'ilay tombontsoa lehibe hanaovana an'izany, izao maraina izao. Ekeo izany, Tompo.

⁸ Ary mitenena aminay amin'ny alàlan'Ny Teninao voasoratra, raha miandry betsaka ny handre avy Aminaô izahay. Amin'ny Anaran'i Jesosy no ivavahanay. Amena.

⁹ Maniry isika ny hamadika ao amin'ny Soratra izao maraina izao ho an'ny famakiana iray avy ao amin'ny Bokin'ny Tesaloniana, ny toko faha-5. Ary manana an'ireo izay manana fangatahana ho an'ny vavaka koa aho, izao maraina izao, ilay lisitra. Fa, hatao avy hatrany aorian'ity fotoan'ny fitorian-teny ity ny vavaka. Mino aho, mandritry ny fotoana fohy fotsiny, ho anareo izay manokatra ny Baibolinareo, ndao isika hamadika ao amin'ny Tesaloniana Voalohany ny toko faha-5, ary hamaky mandritry ny fotoana fohy fotsiny.

¹⁰ [Hoy ny rahalahy iray hoe, "Ampiravao ireo kilasin'ny sekoly Alahady."—Mpand.] Miala tsiny aho. Raha mbola manokatra ny Baibolinareo ianareo, izany dia...tsy mbola nampiravàna nankao amin'ireo kilasiny avy ireo ankizy. Handeha avy hatrany hankao amin'ny kilasinareo fotsiny ve ianareo ankehitriny, ianareo ankizy kely sy adolantsento, sy ny sisa. Mandehana avy hatrany mankao amin'ny kilasinareo.

¹¹ Ary raha mbola, raha afaka ianareo ankehitriny, hamaky, na hanokatra ny Baibolinareo ao amin'ny Tesaloniana Voalohany ny toko faha-5.

¹² Ary raha azo atao ka manatrika ny komitin'ny diakona amin'izao fotoana izao, dia tiako ny hahita azy ireo mandritry ny fotoana fohy fotsiny aorian'ny favoriana, ao amin'ny biraon'ny diakona, mikasika ny raharaha vitsivitsy. Ary raha tsy eto izy ireo, dia aoka hisy olona hampita teny amin'izy ireo hoe te-hahita azy ireo aho rahariva, alohan'ny favoriana mihitsy, ao amin'ny biraon'ny diakona.

¹³ Ankehitriny ho an'ny lahateny iray, dia tiako ny haka an'ity ho an'ny lahateny iray izao maraina izao: *Ny Fiaingana Tampoka, Mifaina An'Ilay Fianganana*.

¹⁴ Afaka aho...mamelà ahy hilaza an'izany indray, satria tsy nanana fotoana betsaka mihitsy aho nisaintsainana mialoha teo amin'ireo hevitra, fa maika fotsiny. Nivoaka tara isika omaly, ka tsy tonga mihitsy omaly hariva raha tsy efa tena tara. Ary nandeha haingana teto mihitsy izao maraina izao, saingy vao tonga tao an-tsaiko mihitsy ity. Ary angamba, any aorianana, dia mety hahazo zavatra iray izay hahasoa olona iray aho. Tiako ity lohahevitra ity, "Ny fampakarana tampoka, mifaina an'ilay Fianganana." Ary ankehitriny ao amin'ny Tesaloniana Voalohany ny toko faha-5.

Fa ny amin'ny andro sy ny amin'ny fotoana, ry rahalahy, dia tsy ilainareo ny hanoratako aminareo.

Satria ianareo ihany dia mahafantatra marina tokoa fa ho avy tahaka ny mpangalatra amin'ny alina ny andron'ny Tompo.

Fa rehefa hilaza izy ireo hoe, Fiadanana sy filaminana; dia ho tonga tampoka amin'izy ireo ny fandringanana, tahaka ny fahararian'ny vehivavy iray raha miteraka; ka tsy ho afa-mandositra izy ireo.

Fa ianareo, ry rahalahy, dia tsy ao amin'ny maizina, mba hahatratra anareo tahaka ny mpangalatra izany andro izany.

Ianareo dia . . . zanaky ny mazava, sy zanaky ny andro: tsy an'ny alina isika, na an'ny maizina.

Noho izany dia aoka isika tsy hatory, tahaka ny atao'nny hafa; fa aoka isika hiambina sy hahonon-tena.

Fa ireo izay matory dia matory amin'ny alina; ary ireo izay mamo dia mamo amin'ny alina.

¹⁵ Ankehitriny dia maniry aho ny hijerenareo eo am-pitan'ilay pejy mihitsy, raha tena voalahatra ara-jeografia ao amin'ny Baibolinareo mihitsy ilay izy, eo amin'ny andininy faha-16, faha-17 ary faha-18-n'ny toko faha-4-n'ny Tesaloniana Voalohany.

Fa ny Tompo izy tenany no hidina avy any an-danitra amin'ny fiantsoana iray, sy amin'ny feon'ny arikanjely, ary amin'ny trompetran'Andriamanitra: ka ny maty ao amin'i Kristy no hitsangana aloha:

Avy eo isika izay velona ka mitoetra no hakarina miaraka amin'izy ireo eny amin'ny rahona, mba hitsena ny Tompo eny amin'ny habakabaka: ary noho izany dia hiaraka amin'ny Tompo mandrakariva isika.

Koa dia mifampionona ianareo amin'izany teny izany.

¹⁶ Enga anie ny Tompo hanampy ny Fitahiany amin'ny famakiana Ny Teniny masina.

¹⁷ Zavatra iray tsy mahazatra ity, ny miresaka lohahevitra iray tahaka an'ity amin'ny maraina izay ahatongavako mba-mba hikarakara ny marary. Fa misy aretina lehibe kokoa noho ny aretina ara-batana. Ary tena ilaina betsaka kokoa ny hahasalama antsika, noho io zava-mitranga lehibe izay vonona ny hiseho io, noho ny hoe matory ao amin'ny Tompo aza, izany hoe, maty, araka ny ahafantarantsika azy. Tsaratsara kokoa ny ho vonona. Aleoko ho lehilahy marary iray, vonona hiaraka amin'ny Tompo, toy izay ho lehilahy salama iray, tsy vonona handeha hiaraka amin'ny Tompo. Fa na ahoana na ahoana ilay izy, dia tena sitrak'Andriamanitra isika sady ho salama no vonona, fanahy sy vatana. “Satria mamela ny helotsika rehetra Izy, ary manasitrana ny aretintsika rehetra.” Maty ho an'ny tanjona roa Izy.

¹⁸ Ary noho izany, mieritreritra aho androany eo amin'ity lohahevitra ity hoe, "Ilay tampoka, sy mafina." Tiako izany. Andriamanitra . . .

¹⁹ Ny olona dia miaina amin'izao andro izao toy ny hoe, mialohan'ny Fihavian'ny Tompo Jesosy mihitsy, raha handefa tafik'Anjely iray hidina Izy eo amin'ny gazety rehetra, ary, mandritry ny taona iray na tahaka an'izany, hilaza an'izany manerana an'izao tontolo rehetra izao, ao amin'ny gazety, hoe, "Amin'ny daty *izao-sy-izao*, no ho tonga Jesosy." Ary hampita an'izany amin'ny alàlan'ny radio, ka hametraka an'izany ao amin'ireo televiziona, ary hatraiza hatraiza, ilay andro mihitsy sy ilay ora izay Hahatongavany mihitsy. Ankehitriny dia tahaka an'izany no iainan'ny olona amin'izao andro izao.

²⁰ Fa, efa nilaza Andriamanitra ao amin'Ny Teniny, hoe, "Ho tahaka ny mpangalatra amin'ny alina izany, tonga."

²¹ Raha izany no izy, dia hilaza ny olona, araka ny heverin'izao tontolo izao amin'izao andro izao hoe, "Oh, eny, misy fotoana betsaka mihitsy. Izaho dia . . . Ho voalaza tsara izany." Ary, nefá, hitanareo, voalaza ilay izy, saingy filazana mafina iray izany. Ilay izy dia ireo izay manaiky handre an'izany fotsiny. Ireo izay manaiky handray an'izany sy mba . . . izay tia ny Tompo.

²² Mieritreritra ny amin'izay nolazain'i Paoly aho ankehitriny rehefa hoy izy hoe, "Misy satroboninahitry ny fahamarinana iray notehirizina ho ahy, izay ny Tompo, ilay Mpitsara marina no hanome ahy amin'izany andro izany." Ary avy eo dia nianona izy. Efa voamarikareo ve? Dia hoy izy, "Ary tsy izaho irery ihany, fa ho an'ireo rehetra izay tia ny Fisehoany." Raha tia ny Fisehoany isika!

²³ Mazàna eto amin'izao tontolo izao amin'izao andro izao, dia mihevitra ny fisehoan'ny Tompo ho toy ny zavatra mahatsiravina, mahatahotra ny olona. Oh, izao tontolo izao dia mety ho tonga eo amin'ny . . . "Aza miresaka amiko mikasika an'izany," hoy izy ireo. Tsy tian'izy ireo ny hahafantatra ny mikasika an'ireo zavatra ireo. Tsy raharahan'izy ireo izany; ho an'ilay andro ahavelomana ankehitriny fotsiny. Fa ireo izay tia ny Tompo, tia ny Fisehoany.

²⁴ Ahoana moa raha ny anankiray amin'ny malalanareo, ny iray aminareo olona azon-taona, hoe lasa ny reninareo, na ny rainareo, na ny zazakelinareo, ka efa tany izy ireo nandritry ny taona maro, ka fantatrateo fa mety hiseho amin'ny fotoana rehetra izy ireo? Nahoana, ho nanao ny tranonareo hadio tanteraka ianareo. Ho vonona fotsiny ianareo ary handinika an'io lâlana io, satria, ny jiron'ny fiara tsirairay izay mandeha, dia hihevitra ianareo fa izy ireo izany.

²⁵ Ankehitriny dia tahaka an'izany no tokony hiandrasan'ilay Fiagonana ny Fihavian'ny Tompo. Ny rehetra ao amin'ny lamina, ny rehetra vonona, ny rehetra voafehy ary vonona

ny handeha vantany vao tonga Izy, satria, "Izany dia ho ao anatin'ny fotoana iray, ao anatin'ny indray mipy-maso." Andramo fotsiny ny handrefy ny fotoana ilain'ny masonareo hanaovana indray mipy-maso, haingana tahaka an'izany mihitsy no hiseoan'ny Fampakarana an'ilay Fiangonana.

²⁶ Fantatrareo, ny fahavalو dia mampiasa foana an'ireo tetik'ady izay—izay ampiasain'ny Tompo. Fantatrareo, rehefa hitany fa hanana Fiangonana marina iray Andriamanitra, ary ireo zavatra izay Hataony, dia nampiasa an'ilay paik'ady iray ihany ny fahavalو. Manana fiangonana iray izy, ary manana vahoaka iray izay tena mpivavaka. Ary eo ampiambenana mihitsy izy ireo, amin'ny maha—amin'ny maha-vahoaka mpivavaka, satria fantany fa mitovy amin'izany ny Fiangonan'i Kristy.

²⁷ Ary ataony izany ao amin'ny fiainan'ny miaramila. Namaky lahatsoratra iray aho fotoana vitsy lasa izay, mikasika ny fanafihana tampoka teo amin'ny Pearl Harbor. Izany dia tsy, marina tokoa, fanafihana tsy fantatra. Efa nampitandremana izy ireo fa hanao an'izany ireo Japs. Saingy ilay ampahany mampalahelo dia, tsy noraharahian'izy ireo io fampitandremana io. Efa nahita famantarana izy ireo, ary namory ny tenany niaraka ilay tafika Japoney, ary efa voafatratra bala ireo sambo goavana, ary teny amin'ny habakabaka ny fandrahonana. Ary efa teo amin'ny laharana ho an'ny fanafihana marina tokoa izy ireo, saingy tsy noraharahian'izy ireo izany.

²⁸ Tahaka an'izany ilay izy amin'izao andro izao ny amin'ny fiangonana. Ao amin'ny laharan'ny fitsarana ny fiangonana, saingy tsy miraharaha ny Fihavian'ny Tompo izy ireo. Noho izany dia tsy afaka manome tsiny Azy ianareo.

²⁹ Nilaza izy ireo, rehefa niperitaka ny feo, nanerana, tao Pearl Harbor, hoe afaka hanafika amin'ny fotoana rehetra ireo Japs, ary ireo sambo mpiadiny goavana dia efa tafapetraka ao anatin'ny ranon'ny ranomasina ka nihetsika moramora saingy nanatona marina mihitsy an'i Pearl Harbor, fa nihomehezan'izy ireo fotsiny izany. Ary hoy izy ireo, "Ah, fahadalana. Ianareo be taraina. Ianareo mpifararemota. Ny hany eritreretinareo dia olana."

³⁰ Ary tamin'ny alina, talohan'ilay fanafihana lehibe ny ampitso maraina mihitsy, dia nisy fandihizana lehibe, na fety goavana iray natao tao Pearl Harbor mihitsy. Ary tsy mampaninona na impiry no niezahan'izy ireo nilaza fa tonga ireo Japs, dia mbola tsy nandray ny fampitandremana foana izy ireo.

³¹ Ndao isika handinika azy ireo mandritry ny minitra vitsy fotsiny. Nisy filazam-baovao kely nivoaka tamin'ny radio. Ary lahatsoratra kely iray teo amin'ny zoron'ilay gazety, saiky mitovy amin'ny filazana asam-panasitranana iray, toerana kely iray fotsiny, hoe eo amin'ny lalany ao anaty ranon'ny ranomasina

ireo Japs, sambo mpiady lehibe iray no nandeha tamin'io làlana io. "Fahadalana," hoy ireo hafa. "Tsy mino an'izany karazan-javatra izany izahay. Inona no ezahanareo ampitahorana anay?"

³² Ary avy eo dia hitantsika, nanakaiky ny alina, toa hitako tao amin'ilay toeram-ponenana, raha tokony nampiomana azy ireo hivoaka ny tanàna, nahoana, dia nanao ny akanjony vaovao ireo tovovavy, sy ny sisa. Nandeha nankany amin'io jobily goavana be izay hananan'izy ireo io izy ireo.

³³ Ary, izao koa, ireo manamboninahitry ny Tafika dia sahirana fotsiny amin'ny fanoratana alàlana kely mba ahafahan'ireo miaramila rehetra hanatrika an'io fety io, fetim-pisotroana goavana. Ary nierona sy nisamonomonona ireo kamiao, nitondra ny tsara indrindra amin'ny labierany, ary ny divainy sy ny karazany, ho an'io fety io. Ary nandrity ny fotoana rehetra, dia teo amin'ny làlany ilay sambo mpiady Japoney, ka diso tamin'ny fihainoana an'ilay fampitandremana izy ireo.

³⁴ Ary raha nanomboka nilentika ny masoandro, dia niangona tao amin'ireo trano fisotroana lehibe an'ny toerana iray izy rehetra. Angamba teo amin'ny ilany tany ho any, nanadio ny toeram-pisotroana ilay mpiasan'ny toeram-pisotroana na zavatra iray, ary nilaza zavatra tahaka an'izao hoe, "Hono ho'aho, efa renareo ve ilay tsaho?"

"Tsia, tsy mino aho fa nandre," hoy ilay lehilahy izay niresahany.

³⁵ "Oh, milaza zavatra izy ireo mikasika ny sambo mpiady Japoney tonga amin'ity làlana ity." Ary avy eo dia niditra tao amin'ilay resaka ny olona iray.

³⁶ Ary zazavavy tanora, adaladala iray no nitroatra teo, ka nametraka ny tongony teo ambonin'ilay toeram-pisotroana, nanao hoe, "Ianareo mpifararemota marary loha, tsy fantatrareo ve fa eto isika mba banana fotoana tsara iray fa tsy hiresaka mikasika ady?"

³⁷ Raha tsy saiky tahaka an'izany mihitsy no lazain'izao tontolo izao amin'izao andro izao mikasika ny Fihavian'ny Tompo! "Ianareo lamaody antitra fahiny, tany aorianana tany, inona no manao anareo hiakanjo sy hihetsika ary hanao tahaka ny ataoareo?" Fa miandry an'io fisehoana mafina, tampoka an'ny Tompo io isika. Satria misy zavatra eny amin'ny habakabaka, Hafatra iray an'ny Fanahy Masina, izay miteny amintsika fa antomotra ilay Fihaviana.

³⁸ Avy eo rehefa nandeha io fetin-korana goavana io, ary, oh, tsy maintsy ho zavatra iray mahatsiravina ilay izy tamin'io alina io. Satria voalaza fa tamin'ny fotoana iray nandrity ny alina, dia naka ramatoa tanora iray izy ireo, tovovavy iray voavoatra tsara tarehy, ka nanendaka ny akanjo taminy, ary nametraka azy tao anatin'ny vagao kely iray nanao atin'akanjo iray fotsiny, ka nandefa azy nankeny an-dàlambe sy ny sisa, nanana fotoana iray

goavana fotsiny. Ary nandrity ny fotoana rehetra, dia nahazo vahana ny Japoney, nandroso avy hatrany.

³⁹ Ary avy eo ny ampitso maraina, rehefa teo amin'ny toeran'andraikiny ireo lehilahy, ary mandinika ny famantarana ny fiaramanidina, sy ny sisa, efa teo nandrity ny alina manontolo, mamo, ka nandehandeha niaraka tamin'ireo vehivavy ireo sy ny sisa, dia tena rendremana sy reraka ny ampitso maraina, tamin'ilay fety goavana, hany ka tratra natory teo amin'ny asa izy ireo.

⁴⁰ Ary matahotra aho fa hitovy amin'izany ilay izy amin'ny Fihavian'ny Tompo. Tena mifofotra sy mamon'ny fiahiana an'izao tontolo izao ny fiangonana, hany ka hatory eo amin'ilay toeran'andraikitra izy ireo, amin'ny Fihavian'ny Tompo.

⁴¹ Ary avy eo dia nanidina teo ambonin'ilay tanàna ireo fiaramanidina, ary nilatsaka ireo baomba, ka nandrodana an'io tanàna io fotsiny izy ireo, tamin'ny tany. Nahoana? Satria tsy nitandrina an'ilay fampitandremana izy ireo. Ary io ramatoa tanora io, niaraka tamin'ny sisa tamin'izy ireo, rehefa ireo miaramila Japoney, mahery setra ireo no niditra tao, dia naolan'izy ireo teny an-dàlambe izy ireo, ary nandidy azy ireo potipotika tamin'ny antsy, avy eo, sy ny sisa. Satria raha tsy hitandrina an'ilay fampitandremana ianareo, dia zavatra tokana ihany no tavela, izany dia ny fitsarana.

⁴² Oh, raha mba nisy fotoana iray izay hany nisy an'ity Amerika ity teo amin'ny fihemorany ambany indrindra, dia izao ankehitriny izao, amin'ny faharatsiam-pitondrantenany, amin'ny tsi-firaikeny! Efa voatory avy tamin'ny ilany nankany amin'ny ilany ny Filazantsara. Ary efa tanteraka ireo famantarana sy fahagagana. Ary efa vita ireo fahagagana lehibe, fa manohy hatrany mandeha ao amin'ny lanonany, fisetroany, tsy firaharahiany, fanesoany izy ireo.

⁴³ Amin'ireo polipitra roa hetsy eto Amerika, an'ireo fiangonana Protestanta, ny ilaintsika amin'izao andro izao ao amin'ireo polipitra ireo dia ireo mpaminanin'ny Tompo, izay tsy matahotra ny hanapoaka ny kotoobaratry ny fitsaran'Andriamanitra eo amin'ity taranaka olona mpanota izay itorantsika ity. Mila mpaminany tahaka an'i Isaia isika izay niantsoantso ka nanao hoe, "Taranaka ratsy fanahy iray!" Ary toy ny ahoana no nanamelohany an'io taranaka io, ka niteny tamin'izy ireo ny amin'ireo fitsarana ho avy.

⁴⁴ Fa, amin'izao andro izao, dia maro be amin'ireo mpitoritenintsika no matahotra ny hilaza an'ireo zavatra ireo. Matahotra izy ireo ny hanome fijoroana vavolombelona mivantana ny amin'ny fampitandremana, satria hanimba ny sasany amin'ny asan'izy ireo izany. Tsy maintsy handao ny anaram-piangonany izy ireo, handao ny polipitrany. Ary izy ireo tsy maintsy hi-hivoaka, angamba, angamba, ka haka

toerana hafa iray any amin'ny fiangonana iray hafa na zavatra iray. Saingy tena mampalahelo mihitsy fa manana an'izany karazan'olona izany isika eo amin'ireo polipitrantsika.

⁴⁵ Mila lehilahy tahaka an'i John Wesley isika, an'ilay fanavaozana voalohany, Martin Luther. Mila olona tahaka an'i Paoly isika, izay manaiky ny hanolotra ny rehetra, sy hanolotra ny tenany, na dia fisarahana amin'ity fiaainana ity aza no dikan'izany, amin'ny maha-vavolombelona iray an'ny Filazantsara marin'i Jesosy Kristy.

⁴⁶ Ilay izy, amin'izao andro izao, dia io fianarana sy fikambanana io ary ireo zavatra madinika kely, saro-pady an'ny fikambanana, ary ireo fihetseham-pony manokana, no naka ny toeran'ny Fanahy Masina ao am-piangonana.

⁴⁷ Ny ilaintsika, amin'izao andro izao, mba hiantsoantsoana an'i Amerika, dia lehilahy nirahin'Andriamanitra, nofeno'in'Andriamanitra ny Herin'ny Fanahy Masina, izay tsy matahotra ny hiantsoantso manohitra ny zavatra izay diso, ka hampitandrina ny olona ny amin'ny fitsarana ho avy.

⁴⁸ Tsy afaka hany hamela an'ity firenena ity ho afa-mandositra amin'ny fitsarana velively Andriamanitra. Raha nanao an'izany Andriamanitra, dia tokony ho nanangana an'i Sodoma sy Gomora Izzy, ka hiala tsiny amin'izy ireo nohon'ny hany nandentehana azy ireo, fony izy ireo vahoaka ratsy tahaka an'izany. Isika dia tsy—tsy avahana eo imason'Andriamanitra. Ny ahatongavantsika amin'izao andro izao, rehefa tonga eo amin'ireo politikantsika ilay izy, rehefa tonga eo amin'ny governemantantsika ilay izy, dia lò izany, manomboka amin'ny andry hatrany amin'ny tsato-kazo. Tsy misy fahamarinana intsony mihitsy, afa-tsy ao amin'Andriamanitra.

⁴⁹ Oh, milaza isika fa miantehitra amin'ny U.N., ireo Firenena Mikambana. Ary mihoatra ny dimy taona lasa izay, dia kominista iraika amby dimampolo isan-jato izy ireo, ireo firenena ao amin'ny U.N. Tsy misy na inona na inona hianteherana afa-tsy ny Tenin'Andriamanitra velona. Tsy afaka miantehitra amin'ny inona na inona isika, tsy misy politika.

⁵⁰ Efa tao amin'ny raharahanam-pitsarana aho nandrity ny telo na efa-bolana farany, teo ambanin'ny afo mavesatra, niezaka ny hiampanga ahy nanao zavatra izay ratsy izy ireo, tamin'ny fandefasana ny vola tamin'ny alàlan'ity tabernakla eto ity, ho an'ireo favoriana. Satria, ny komitin'ny diakonantsika eto no nanasonia an'ilay fanambarana. Ary tsy misy olona iray izay hany nanatrika an'ireo favoriako ka tsy nilazako am-pahibemaso fa io vola io izay nalaina tao amin'ny antsika...tao amin'ireo favoriako, dia nandalo avy hatrany tamin'ity fiangonana ity. Ary milaza izy ireo ankehitriny hoe, satria nampandaloviko ny fiangonana izany, dia niezaka aho ny hisoloky ny governemanta,

ka te-hanome ahy roapolo taona any Fort Leavenworth izy ireo, Kansas, ho an'izany.

⁵¹ Hoy aho hoe, “Inona io teny voasoratra eo amin’ireo—ireo tranom-pitsarantsika io hoe, ‘Fahamarinana’? Tsy misy dikany akory aza ny nanoratana azy teo.” Hoy aho, “Nefa ny zavatra rehetra izay notenenin’ny olonareo manokana mba hataoko, dia nataoko izany. Ary ankehitriny dia milaza ianareeo fa tsy ao amin’ny governemanta intsony izy ireo. Ahoana no ahafahanareo? Hametraka anankiray ianareeo ary hanaporofo an’izany, avy eo dia hangady zavatra hafa izy ireo eto.” Tsy izany ihany, fa wishy-washy izy ireo.

⁵² Nataoko tao amin’ireo fitsarana federaly ity fanambarana ity. Hoy aho hoe, “Raha nanana ny Kristianisma tao aminy ny kominisma, dia ho kominista iray aho.” Fa tsy afaka ho izany aho, satria mandà ny Kristianisma izy.

⁵³ Noho izany dia manana tānana anankiray hifikirana aho, izany dia ny tānan’Andriamanitra tsy miova, mahafantatra fa hanaja ny fahamarinana sy ny haja Izy. Tsy maintsy mivoaka izany, amin’ny fahamarinana.

⁵⁴ Fa mba ampahafantarana anareo fa tsy misy fanantenana na aiza na aiza, afa-tsy ny Fihavian’ny Tompo irery ihany.

⁵⁵ Oh, andro toy ny inona no iainantsika, tena fo—fotoana iray mahatsiravina! Izay, ny zavatra ara-batana tsirairay, na dia ny fiangonana izy tenany aza, ireo olom-piangonana, ireo fiangonana anaram-piangonana, izy ireo dia tena liana mikasika an’ireo keliny—ireo fahasamihofana keliny, hany ka tsy hifampiombona akory aza izy ireo, ary tsy handray ny fampitandremana hoe antomotra ny Fihavian’ny Tompo.

⁵⁶ Ireo lehilahy tahaka an’i Billy Graham, sy Jack Shuler, sy Oral Roberts, ary maro amin’ireo evanelista malaza, sy Charles Fuller, izay manana fahatakarana an’izao tontolo rehetra izao, manao ny zavatra rehetra izay vitany izy ireo, mba hampitandrina ny amin’ny Fihavian’ny Tompo. Ary ireo lehilahy manokana ireo, ireo lehilahy izay miezaka ny hanao ny marina ireo, no lehilahy izay ezahan’ny governemantsika ho rovitina ho potipotika.

⁵⁷ Hoy aho tamin’ny olona iray hoe, “Ramose, valo amby roapolo taona tamin’ny fiainako, no nipetrahako teo amin’ny alitaran’Andriamanitra, mba hiezaka hanao ny marina. Ary mila olona iray aho hijery ahy amin’ny maso, ka hiteny amiko raha mba naka zavatra tamin’olona aho, na mba nangalatra zavatra teo amin’ny fiainako. Nohon’ny fahasoavan’Andriamanitra, dia madio aho.”

⁵⁸ Izany dia tsy midika, ho an’io, mihoatra noho ny fipoaka iray an’ny rantsan-tānareo. “Meloaka ianao, na ahoana na ahoana! Ary mpanao didy jadona iray ianao ao amin’ny

fiangonanao! Manapoaka ny rantsan-tànnanao ianao dia manao an'izay teneninao mba hataony ny fiangonanao!"

"Oh," hoy aho, "mety tsy ho marina toy ny ahoana ny olona?"

⁵⁹ Hoy izy hoe, "Nanome fanomezana ho an'ny olona ianao rehefa may ny tranon'izy ireo. Ity ny sekinao izay nanomezanao an-jatony dolara an'ireo mpitondratena, ary nandoavanao ny hofan-tranon'izy ireo, ary nanao zavatra tahaka an'izany." Hoy izy, "Efa nandeha nankany amin'ny komitin'ny diakonao ve ianao ka niteny tamin'izy ireo fa hanao an'izany ianao?"

Hoy aho hoe, "Tsia, tompoko."

"Nahoana ianao no tsy nanao?"

⁶⁰ Hoy aho hoe, "Ny Tompo no niteny tamiko, ao amin'Ny Teniny hoe, 'Aza mamela ny ankavananao...ny tànanao ankavia hahafantatra an'izay atao'n'ny ankavananao."

⁶¹ Hoy izy hoe, "Noho izany dia miezaka ianao mandahatra ny raharahanao amin'ny alàlan'ny Baiboly, fa izahay mitsara anao amin'ny alàlan'ny lalàna."

⁶² Hoy aho hoe, "Iza no lalàna ambony indrindra, ny an'ny olona sa ny an'Andriamanitra?" Haka ny lalàn'Andriamanitra aho.

⁶³ Vitsy fotsiny, roa taona lasa izay, teo amin'ny fakan-drivotro aho, teny amin'ny lâlako miverina.

⁶⁴ Eto Indiana ny lalàn'ny hafainganam-pandeha dia dimy amby enimpolo maily isan'ora amin'ny andro atoandro, ary izany dia eo amin'ireo lâlambe malalaka, ireo lâla-malalaka. Ary enimpolo maily isan'ora izany amin'ny alina, rehefa avy milentika ny masoandro. Tahaka an'izany koa any Kansas. Tahaka an'izany koa any Illinois. Tahaka an'izany koa any Colorado. Tahaka an'izany koa any Idaho. Tahaka an'izany koa any Wyoming.

⁶⁵ Ary teny amin'ny lâlako niverina aho, rehefa avy nikatso tao anatin'ny ranomandry nandrity ny andro maro tao anatin'ny tafiotran'oram-panala; ary vao avy nahazo ombimanga iray aho, ka teo amin'ny lâlako nody, mba hanome an'izany ho an'ireo sakaizako. Ary tsy maintsy nandeha haingana aho mba hiezaka hihoaatra tafiotran'oram-panala hafa iray izay taoriako mihitsy, raha tsy izany dia ho nikatso indray aho, ary ho simba ilay hena.

⁶⁶ Ary niampita an'i Wyoming aho, ka niditra tao Nebraska. Teo amin'ny telopolo maily teo aho, tao anatin'y, ilay lâlana. Ary tampoka teo, njery tany aorian aho, ka nahita jiro menan'ny polisy. Ary tsy mbola voasambotra mihitsy aho teo amin'ny fiainako. Noho izany, dia nanohy fotsiny aho. Niondrika aho, nanao enimpolo maily isan'ora aho, teo amin'ny...telopolo na efapolo maily avy tany amin'ny—ny karazan-tanàna iray. Dia nidina nankeo amin'ilay lâlambe fotsiny aho, lâlambe misy lâlana efatra malalaka goavana. Ary, voamariko, enimpolo maily

isan'ora. Nitodika aho, ary nanohy nijanona taoriako izy. Dia nandinika fotsiny aho.

⁶⁷ Ary hitako ilay jiro mena niipiapiaka, dia nieritreritra aho hoe, "Eny, nahoana izy no tsy mihoatra ahy? Manana efitra betsaka izy." Dia nanohy niandry aho. Nampidiniko ny varavarankeliko, ary nandre anjombona iray aho. Eny, nieritreritra aho hoe, "Mihataka lavitra arak'izay vitako mihitsy aho." Dia nilahatra izy ka nampijanona ahy.

⁶⁸ Nivoaka ny fiara aho. Nieritreritra aho hoe, "Angamba misy hafatra iray izay tsy azoko tamin'ny radio, angamba any antranoo, ny vadiko na fianakaviako." Dia nivoaka ny fiara aho, tsy manan-tsiny mihitsy arak'izay naha-izy ahy.

Hoy izy hoe, "Ataoko fa manontany ianao hoe nahoana aho no nampijanona anao?"

Hoy aho hoe, "Manontany aho, tompoko."

⁶⁹ Dia hoy izy hoe, "Nandika ny lalàn'ny hafainganam-pandeha ianao." Hoy izy hoe, "Fantatrao ve hoe haingana toy ny ahoana no nandehananao?"

Hoy aho hoe, "Eny, tompoko." Hoy aho hoe, "Nandeha enimpolo maily isan'ora aho."

Hoy izy hoe, "Marina izany. Ary manohitra ny lalàna izany."

Hoy aho hoe, "Ilay izy ve tsy dimy amby enimpolo ao . . . ?"

⁷⁰ "Tsia, tompoko." Hoy izy, "Ilay izy dia dimy amby dimampolo eto. Nanao dimy maily mihoatra ny fetran'ny hafainganam-pandeha ianao."

"Oh," hoy aho, "miala tsiny aho. Tsy fanahy iniako ilay izy."

⁷¹ Hoy izy, "Omeo ahy ny fahazoan-dàlanao mamily fiara. Ashehoz ahy fotsiny ny fahazoan-dàlanao."

⁷² Dia nalaiko avy tao am-paosiko izy ireo. Ary vantany vao hitany io teny io hoe 'reverà,' dia namiratra afo ny masonry. Navoakany ny bokiny ka nanomboka nanoratra tapakilan-tsazy ho an'ny efatra amby roapololo dolara sy dimampolo cents izy.

Hoy aho hoe, "Hanome ahy tapakilan-tsazy iray ve ianao?"

Hoy izy, "Marina ny anao! Hanome anao tapakilan-tsazy iray aho!"

"Eny," hoy aho, "tompoko, mety tsara izany. Saingy tsy nahita na inona na inona aho."

⁷³ Hoy izy hoe, "Oh, misy takelaka iray mihitsy eo ivelan'ilay sisin-tanim-panjakana. Tokony ho hitanao izany."

⁷⁴ "Eny," hoy aho, "nikatso tao anatin'ny efatra ran-... ranomandry nandrity ny efatra andro aho, ary tsy hitako fotsiny mihitsy angamba ilay izy, tompoko."

Dia hoy izy hoe, "Eny àry. Manam-bola ve ianao any aminao?"

Hoy aho hoe, “Eo amin’ny roa ambin’ny folo dolara eo fotsiny.”

⁷⁵ “Eny,” hoy izy, “hijanona eto mihitsy ianao mandrapandoanao an’izany.” Teo amin’ny folo ora teo tamin’ny alina, na iraika ambin’ny folo.

⁷⁶ Hoy aho hoe, “Tompoko . . .” Noteneniko taminy ny rehetra, izay tsy mety, ary ilay hena sy ny sisa. Tsy nidika zavatra iray izany taminy. Noho izany dia tsy maintsy nanasonia fanambarana marina iray aho, hoe halefako amin’izy ireo ilay vola.

⁷⁷ Rehefa tonga tany an-trano aho, dia nanoratra tany amin’ny mpitsara, an’ilay tanàna kely, ilay mpitsara madinika izay tsy maintsy nandefasako azy. Dia noteneniko taminy. Hoy aho hoe, “Tompoko, izaho nametraka roapolo- . . . teo amin’ny dimy amby roapolo taona teo,” tamin’izany fotoana izany, “enina amby roapolo taona tao amin’ny asan’ny Tompo, niezaka nanova fo an’ireo olo-meloka ho an’ny Tompo Jesosy, miezaka mba hiaro ny ainao amin’ny maha-manamboninahitra iray, miezaka ny hanao fokonolona tsaratsara kokoa, ary toerana iray tsaratsara kokoa hiainana, sy fitondrantena tsara ho an’ny fianakavantsika. Efa nametraka roapolo taona mihoatra aho tao amin’izany asa izany. Ary vao avy niampita ny sisin-taninao aho. Tsapako fa tokony hamela ahy ianao ny amin’izany.” Hoy aho hoe, “Fa ny manamboninahitro dia tsy niraharaha an’izany akory mihitsy, aza. Fa, natao hanao an’izany angamba izy, ary manatanteraka an’ireo andraikiny. Fa mangataka aminao aho, amin’ny maham-pitsara iray. Tsy ilay vola no izy; ilay izy dia ny fitsipika. Ny saziko voalohany hany haloa, ary izany dia tsy maintsy avy amin’ny vola izay omen’ny olona ahy hivelomana, amin’ny alàlan’ny fiangonana.” Hoy aho hoe, “Raha tena ho tsara fanahy ianao mba hamela ahy ny amin’izany, dia hankasitrahako izany. Na ahoana na ahoana, dia indro ny seky izay voamarina, mba ahafantaranao fa ilay izy dia—mety tsara ilay izy.”

⁷⁸ Rahalahy, nosoniaviny teo amin’izany fotsiny ny anarany ary nalainy izany, tsy nihontsona. Nahoana? Nahoana? Ary avy eo, amin’ny alàlan’ireo politika lò, sy hevitra ara-pivavahana, ny sasany amin’izy ireo dia milamindamina miaraka amin’ny mpamono olona. Izay ilay izy.

⁷⁹ Tsy hamela Ny Fianganany hisy ela loatra eo ambanin’ny zavatra tahaka an’izany Andriamanitra. Ary lò izao tontolo izao. Ary lò ny politika. Ary lò ny fiangonana. Ny ilaintsika, mba hanaovana betsaka mikasika an’izany, dia vahoaka matahotra an’Andriamanitra mikambana miaraka ary miantsio ny Anaran’ny Tompo. Izany no ilain’ny Branham Tabernacle hatao. Oh, izaho dia . . .

Mijery fotsiny ka mahita fa nanana betsaka aho teo anoloako.

⁸⁰ Ary mieritreritra ny amin'ny hoe firy no azontsika tsindriana eto, ny amin'ny fomba andehanan'ny fiangonana; toy ny ahoana no nanimban'izy ireo ny fitondran-tenan'ny olona, toy ny ahoana no namelany azy ireo hiaina, ary mandeha any amin'ireo fandihizana sy any amin'ireo rock-and-rolls, ary miakanjo amin'ny fomba rehetra izay tian'izy ireo iakanjoana, sy—sy ny zavatra rehetra, nefo mbola manohy foana na izany aza, ireo mpitory teny manao marimaritra iraisana.

⁸¹ Ny ilaintsika dia mpitory teny amin'ny fanao fahiny, nirahin'Andriamanitra, nateraky ny Lanitra izay hiteny ny Fahamarinana tsy mampaninona izay ratrainy. Tahaka an'i Jaona, izay nanao hoe, "Mipetraka eo amin'ny fakan'ny hazo ny famaky." "Ka ny hazo rehetra izay tsy mamaoa voa tsara dia kapaina ka atsipy ao anaty afo." Mila mpitory teny, mpaminany tahaka an'izany isika, izay hanapoaka baomba, ka hampiassa an'ireo fitsaran'Andriamanitra ho bala, mba hamotika, ao amin'izao toerana ratsy fanahy izay iainantsika izao.

⁸² Tsy afaka hiala amin'ny fahotana amin'ny fikapokapohana azy ao amin'ny lamosina mihitsy ianareo. Tsy afaka hiala amin'ny fahotana amin'ny alàlan'ny fampianarana ny vahoaka mihitsy ianareo. Efa lasa nirodana ireo fandaharantsika ka tsy nahomby. Fanafody tokana ihany no misy ho an'ny fahotana, ary, izany dia, Kristy izany fanafody izany. Ary tsy Kristy amin'ny alàlan'ny fiaikena ara-tsaina, fa amin'ny alàlan'ny batisan'ny Fanahy Masina, ho an'ny Fiainana iray vaovao sy fahaterahana indray. Izany no fanafody tokana ho an'ny fahotana, fanafody tokana ho an'ny firenena iray. Izany no fanafody tokana ho an'ny fiangonana iray. Izany no fanafody tokana ho an'ny olona.

⁸³ Teto indray andro lasa . . . Ataoko fa maro aminareo olona izay manao dia noefa tany. Nijanona tany im betsaka aho ny alina manontolo, tao amin'ny diako tany Andrefana. Fa tsy maintsy handeha any aho amin'ny herinandro manaraka, alàlana iray, nahazo alàlana avy tamin'ny governemanta mba handeha. Mihazona ahy eto izy ireo. Nefo, raha nandefa ahy izy ireo, dia ho afaka nahazo ahy eto mihitsy. Ary tsy maintsy mandeha any amin'ny fivoriana vitsivitsy aho any amin'ny Morontsiraka Andrefana. Ary raha sitraky ny Tompo, dia handalo eo amin'io tanàna kely antsoina hoe West Memphis io aho, Arkansas. Eo ampitan'ilay renirano fotsiny izany avy any Memphis, Tennessee. Ary tao amin'io tanàna io no nilàñ'izy ireo handaniana roa tapitrisa sy sasany dolara ho an'ny kianja fanaovana hazakazaka iray, mba hilokana. Roa tapitrisa sy sasany dolara, hanambaniana, sy handotoana, ary handefasana fanahy any amin'ny helo. Nefo avy eo dia misambotra lehilahy tahaka an'i Billy Graham, Oral Roberts, ny tenako, ary ireo izay mijaly nohon'ny anton'i Kristy, mampandalo vola ara-dalàna amin'ny fiangonana iray, nefo te-hanome azy ireo roapolo taona

ao amin'ny fonja federaly. Efa sitrapon'izao tontolo izao foana ny mihetsika tahaka an'izany.

⁸⁴ Hoy aho hoe, "Ianao... Manana rahalahy izay efa tao amin'ny fonja federaly aho."

⁸⁵ Dia hoy ny iray tamin'ireo voalaza fa mpisolovava hoe, "Manana rahalahy ao amin'ny fonja federaly ianao?"

Hoy aho hoe, "Nanana aho."

Hoy izy, "Iza izy ireo?"

⁸⁶ Hoy aho hoe, "Ny iray tamin'izy ireo dia Rahalahy Jaona, tany Alcatraz, teo amin'ny nosin'i Patmo. Ary ilay hafa dia Rahalahy Paoly, tao amin'ny fonja federaly Romana. Ary Rahalahy Daniela, tao amin'ny tranon'ny fonja koa izy."

⁸⁷ Ary Rahalahy Josefa, satria nampangaina tamin'ny zavatra izay tsy nananany tsiny izy, nanompo taona maro, tamin'ny niezahana ho tena mpanompo iray an'i Potifara, fa niampanga azy ny vadiny. Ary voaheloka izy, ka napetraka tao am-ponja nandritry ny taona maro, hany ka nitombo ny volombavany sy ny volony, hany izy ka tsy... Tsy maintsy nosolaina izy, mba hitondra azy teo anatrehan'i Farao. Azo antoka. Ho an'ny inona, zavatra ratsy ve? Nohon'ny anton'i Kristy! Marina tokoa!

⁸⁸ Nefa avy eo dia mandany roa tapitrisa sy sasany ho an'ny kianja fanaovana hazakazaka, handotoana sy hanamelohana ary handefasana fanahy any amin'ny helo. Miresaka mikasika an'Andriamanitra ho avy haingana!

⁸⁹ Fa nanao zavatra mikasika an'izany ireo vahoakan'i Arkansas. Ny fiangonana tsirairay, heveriko, anaram-pianganana sivy na folo samihafa ao amin'ireo fokonolona ireo, nikambana izy rehetra ka nanao hoe, "Ratsy izany. Ary tsy hanana an'izany izahay." Dia nanao fivoriam-bavaka iray izy ireo, ary nanao rojom-bavaka, andro manontolo, sy alina manontolo. Ary rehefa ireo mpitsara sy lehilahy federaly, ary izy rehetra ireo no nandeha tany amin'ny fitsarana ny ampitso maraina, mba handamina an'izany, na afaka hanorina an'izany izy ireo na tsia, dia nihaona izy ireo, ary resy ilay izy. Ny vavaka manova zavatra. Tsy ahoako na lò toy ny ahoana aza izao tontolo izao, lò toy ny ahoana ny tanintsika, lò ny firenentsika, ny vahoakantsika; manova zavatra ny fivavahantsika.

⁹⁰ Saingy tsy liana amin'ny fivoriam-bavaka intsony isika. Manana zavatra hafa betsaka tsy maintsy hatao isika, araka ny heverintsika.

⁹¹ Ary avy eo, tsy izany ihany, hoe voaheloka io kianja fanaovana hazakazaka io, fa tapaka koa hoe izy ireo dia tsy afaka hanana, ao amin'ny fanjakan'i Arkansas, na inona na inona tahaka an'izany intsony mandritry ny taona sy taona ho avy. Nahoana? Satria ireo olona izay nantsoina tamin'Ny Anarany no nanangona ny tenany niaraka ka nivavaka.

⁹² Oh, ny ilaintsika amin'izao andro izao dia antso miaraka iray, sy fahavononana. Ary tsy miankina amin'ilay mpitority teny, fa ianareo, amin'ny maha-isam-batan'olona eo anatrehan'Andriamanitra, manao ny tenanareo ho vonona ho an'ny Fihavian'ny Tompo, mba ho afaka amin'ity fahalòvana rehetra ity.

⁹³ Tsy mampaninona izay iantsoan'izy ireo anareo, sy izay hetsika ataon'izy ireo, tsy manova an'Andriamanitra izany na kely aza. Hataon'Andriamanitra izany, na izany aza. Miankina sy miandry antsika Izy. Oh, oadray!

⁹⁴ Hoy ny olona sasany hoe, "Eny, mandeha any ampiangonana aho ny Alahady maraina. Mihaino ny pasiteranay aho, izay pasitera tsara iray." Tsara izany. Mankasitraka an'izany aho. Ary ianareo no Amerika, izao tontolo izao, na iza izany na iza. Fa mila mihoatra ny hafatra tsara iray avy eo amin'ny polipitra izany. Mila ny ainareo izany. Mila anareo izany, mba ho vonona.

⁹⁵ Ao amin'ny Apokalypsy ny toko faha-19, ary ny andininy faha-7, ny Baiboly dia nilaza fa, miresaka ny amin'ny Ampakarin'i Kristy, "Nanao ny Tenany ho vonona Izy." Nanao ny Tenany ho vonona Izy. Ary ianareo, amin'ny maha-mambran'io Ampakarina io, dia tsy maintsy manao ny tenanareo ho vonona ianareo.

⁹⁶ Fotoana vitsy lasa izay, nitory teny ny mpitoriteny iray. Ary—ary nisy lehilahy iray izay efa nanatrika ny fiangonany nandrity ny, oh, fotoana tena lava mihitsy. Ary nanatona ny alitara izy tamin'io maraina io. Dia hoy izy hoe, "Pasitera, maniry aho ankehitriny ny hanome ny fijoroako vavolombelona sy ny fanoloran-tenako ho an'ny Tompo Jesosy, izay nataoko omaly hariva."

⁹⁷ Dia hoy ilay pasitera hoe, "Eny, azoko antoka fa faly aho ny handre mikasika an'izany, ry John. Ny hahafantatra fa nanapa-kevitra ianao fa ho avy amin'ny farany ka hanolotra ny tenanao ho an'ny Tompo, satria tsy te-handratra ny fihetsehamponao izahay, saingy fantatray fa efa tena ratsy fanahy mihitsy ianao. Ary fantatray fa ratsy fitondra ny fianakavianaio ianao. Nilokanao ny volanao, ary nisotroanao izany, ary niaina fiainana iray mahatsiravina, ka lasa tsy nanana ny fianakavianaio. Ary manome fifaliana ny foko izany, izao maraina izao, ny mahafantatra fa manatona ianao ankehitriny ka hanolotra ny tenanao ho an'ny Tompo Jesosy, mba ho lasa olona hafa, hanompo Azy."

Hoy izy hoe, "Misaotra anao, pasitera."

⁹⁸ Hoy izy hoe, "Noho izany fotsiny izay... Te-hanontany zavatra aminao aho. Inona ny toriteny izay notoriako, na inona ny lahateny izay nampiasaiko, ary, na inona no hira nohiraina

tao am-piangonana, tamin'ireo hira fiderana, izay nanao anao ho tena tapa-kevitra hanao an'izany?"

⁹⁹ Ary raha njery azy ilay lehilahy, nifanatrika, niaraka tamin'ireo ranomaso nikoriana teo amin'ny takolany, dia nanao hoe, "Pasitera, tsy iray amin'ireo toriteninao ilay izy, na dia, tsara aza izy ireo. Tsy ny iray tamin'ireo hiran'ny antoko mpihira ilay izy, na ireo manokana, na dia tsara aza izy ireo."

¹⁰⁰ Hoy izy hoe, "Noho izany dia hiteny amin'ity fiangonana ity ve ianao hoe nahoana ianao no nanao an'izao fanapahan-kevitra izao?"

¹⁰¹ Hoy izy hoe, "Miasa miaraka amin'ny lehilahy iray izay Kristiana aho, ary nolazaiko azy ny zavatra rehetra. Niantso azy ho holy-roller iray aho. Niantso azy ho mpivavaka fanatika iray aho sy ny zavatra rehetra, fa tsy nanelingelina azy izany na kely aza. Fa niaina tena flainana iray izy hany ka tamin'ny farany, tao am-poko, hatrany, dia nahazo toerana iray izy, ka te-hitovy amin'io lehilahy io aho. Ary izany no antony nangatahako azy mba hitarika ahy ho eo amin'i Kristy. Tiako ilay Kristy izay tompony."

¹⁰² Hitanareo, tena miasa amin'ny alàlan'ny pasitera Andriamanitra, mba hanao Ny Fiagonany ho vonona. Miasa amin'ny alàlan'ny hira Izzy, mba hanao Ny Fiagonany ho vonona. Ary miasa amin'ny alàlanareo Izzy, mba hanao Ny Fiagonany ho vonona.

¹⁰³ Raha tsy nahomby ny pasiteranareo, ary nanohy tsy nahomby, dia hitady pasitera iray hafa ho anareo ianareo. Haingana mihitsy no hanaovanareo an'izany. Raha tsy mihira tsara ny antoko mpihiranareo, na tsy tsara ny mpihira tokanareo, dia hiteny amin'ilay mpitarika ianareo, ilay anankiray izay manao zava-maneno hoe, "Aza mamela azy ireo hihira intsony. Manao ahy hikorontan-tsaina fotsiny izy ireo, mihira."

¹⁰⁴ Fa ahoana ny aminareo amin'ny maha-isam-batan'olona? Ahoana no tsy ahombiazanareo amin'ny flainanareo isan'andro? Ahoana ho hitovianareo amin'Andriamanitra, izay lazain'Andriamanitra haha-izy anareo, Hazavana mamiratra iray izay mipetraka eny ambonin'ny havoana? Tsy misy olona afaka mandalo amin'izany lèlana izany, eny, manodidina ny lèlanareo, raha tsy mahafantatra mikasika an'i Jesosy. Karazam-piainana inona no iainanareo, iray amin'ireo karazana izay ratsy ve, manompa, sy manorisory, tsy miraika? Sa, afaka miresaka an'ilay fiadanana sy fitiavana izay hitanareo tao amin'i Kristy ianareo?

"Nanao ny Tenany ho vonona Izzy."

¹⁰⁵ Efa nasehoko anareo ilay faharatsiam-panahy. Ary ny fotoana dia tsy ho...tsy hamela ahy, hitety an'ireo taona, ka haneho fa isan'andro, tahaka ny tany Babylona tamin'ilay alin'ny korana, sy fandihizana sy fisstroana, sy

ny sisa, ary izay nitranga. Ary nanerana ny taona dia tahaka an'izany ilay izy. Tao amin'ny taona tsirairay dia nanana mpaminany mpanapoaka varatra Andriamanitra, niaraka tamin'ny famantarana sy fahagagana, mba hanameloka an'ilay zavatra teo afovoan'ny laza rehetra, ka nitsangana irery ho an'Andriamanitra.

¹⁰⁶ Tsy izany ihany, fa raha hiresaka ny amin'ny andron'i Stefana kely aho, tsy mpaminany iray, tsy pasitera iray, mambra iray an'ny Vatan'i Kristy fotsiny. Ahoana fa nitsangana teo anatrehan'ny Filan-kevitry ny Synedriona ity lehilahy kely ity tamin'io maraina io, ary niteny tamin'ireo izay nanameloka azy, ka nanao hoe, "Ianareo mafy hatoka, tsy voafora fò sy sofina. Manohitra foana ny Fanahy Masina ianareo. Izay nataon'ireo razanareo, no ataonareo koa." Tsy pasitera iray izy.

¹⁰⁷ Tsy afaka manantena ny pasiteranareo hanao an'izany rehetra izany ianareo. Tsy afaka manantena ny komitin'ny mpitantan-draharahanareo hanao an'izany rehetra izany ianareo, na ny komitin'ny diakonareo. Tsy maintsy manao ny tenanareo ho vonona ianareo. Resaka isam-batan'olona iray izany.

¹⁰⁸ Ary, tsarovy, tena ho tampoka Ny Fihaviany, ka handeha ao anatin'ny indray mipi-maso ilay Fiangonana. Ary raha mahita ny fahotana eo amin'ny lafiny rehetra isika, ary mihantona ny fitsarana, ary tonga ireo sambo mpiadin'ny fahatezeran'Andriamanitra, dia ahoana no andosirantsika an'izany? Miseho ireo famantarana. Tonga Jesosy. Ary eo am-pahatanterahana ireo fahagagana lehibe. Ny andrim-pamantarana tsirairay dia manondro mankany amin'ny Fisehoany tsy ho ela, ary hitranga ao anatin'ny fotoana iray izany.

¹⁰⁹ Ahoana no ijoroantsika, izao maraina izao, raha manao jery todika isika? Raha notenenina isika, izao maraina izao, ka hidina avy any an-danitra ny Tompo Jesosy, izao maraina izao, miaraka amin'ny Fiantsoana sy ny Trompetran'Andriamanitra, dia ho hita vonona ve isika, amin'ny maha-vatam-pianganana iray? Ho hita vonona ve isika, amin'ny maha-isam-batan'olona, mba hikambana amin'ireo izay hitsangana amin'ny maty, izay nanaporofy ny tenany ho vonona? Tsy mampaninona na vonona isika na tsia, ho avy ny Tompo Jesosy na izany aza, amin'ny fotoana voatondro. Tsy maintsy vonona isika, ary tsy maintsy manao an'izany ankehitriny. Tsy fotoana iandrasana izao. Tsy maintsy manavotra ny fotoana isika ka ho vonona.

¹¹⁰ Indray andro lasa, tantara iray (alohan'ny hamaranana mihitsy) izay nandôna ahy, raha nandre azy aho, taona maro, maro lasa izay.

¹¹¹ Ity Fihaviana miafin'ny Tompo ity; fiaingana tampoka, miafina an'ilay Fiangonana. Diniho! "Hisy anankiroa eny an-

tsaha; ny iray Halaiko ary ny iray havelako. Hisy anankiroa eo am-pandriana; ny iray Halaiko ary ny iray havelako.” Maneho fa tsy ho any amin’ny zorony anankiray fotsiny ny Fihavian’ny Tompo, fa ho maneran-tany. “Ny iray ho eny an-tsaha, miasa,” amin’ny andro atoandro. “Ilay iray hafa eo amin’ny fandriana iray, matory,” eo amin’ilay ilany hafa an’izao tontolo izao. Ho Fampakarana iray maneran-tany ilay izy, ary ho tonga miaraka amin’ny Fiantsoana, miaraka amin’ny Feon’ny Arkanjely, ary haneno ny Trompetran’Andriamanitra. Ka ny maty ao amin’i Kristy no hitsangana. Ary hakarina Izy, mafina mihitsy. Oh, tiako izany! Tonga ilay Mpampakatra lehibe, ary manao ny Tenany ho vonona ilay Ampakarina, miandry an’io fotoana mafina izay tsy Fantany akory aza, ny Tenany. Fa vonona Izy, ary miakanjo, ka miandry an’izany.

¹¹² Mahita an’ireo Andrim-pamantarany isika eto amin’izao tontolo izao, hoe vonona ho an’ny fitsarana izy. Mahita an’ireo famantarana sy fahagagana isika ao amin’ilay Fiagonana, zavatra lehibe no miseho. Tokony ho karazan’olona inona isika? Vonona amin’ilay fotoana, satria tsy fantatsika hoe rahoviana Izy no ho Tonga. “Aoka ho vonona koa ianareo, satria tsy fantatrareo ny minitra na ny ora ahatongavan’ny Tomponareo.” Aoka ho vonona! Satria, tsy afaka ny ho vonona ianareo amin’izany fotoana izany, satria Izy no nilaza fa tsy ho afaka ianareo.

¹¹³ Firy aminareo, ny rehetra angamba, no efa namaky an’ireo virijiny? Ny sasany dia hendry ary ny sasany dia adala. *Virijiny* dia midika hoe “fahadiovana.” Olona tsara izy rehetra. Ny tsirairay avy amin’izy ireo, virijiny, fanaka nohamasinin’Andriamanitra. Fa ireo izay nanana Solika tao anatin’ny fanilony, no niditra, fa ireo hafa dia tavela tany ivelany. Virijiny izy rehetra, ny tsirairay avy. Olona izay tsy azonareo ametrahana ny rantsan-tànanareo, noho ny zavatra ratsy. Izy ireo, ny tsirairay avy, dia nino ny Fihavian’ny Tompo. Vonona ny handeha hitsena Azy izy ireo, saingy ny sasany tamin’izy ireo dia namela ny Solikany ho lany.

¹¹⁴ Aza avela ho izany ny aminareo. Tehirizo ao anatin’ny fanilonareo ny Solika. Solika dia Fanahy iray, ny Fanahy Masina. Aza mamela an’Izany ho lany ao aminareo. Rehefa mahatsapa ny fitiavanareo miha-maty ianareo, ny fahatsoram-ponareo amin’i Kristy sy amin’ilay—ilay Antony, dia mandehana haingana mankeo Aminy Izay manana an’ilay loharanon-tSolika, ka mividiana famenoana iray an’ny Fanahy Masina ho an’ny tenanareo.

¹¹⁵ Vita ny firenentsika, lò ara-pitondran-tena ary rava. Ny politikantsika, lò sy vita. Ireo mpitarika antsika, O Andriamanitra, inona no azontsika hatao mikasika an’izany? Afaka mampiditra lehilahy tsara iray ao ianareo, fa mivoaka ho mpisoloky iray izy.

¹¹⁶ Anankiray ihany no azontsika entina ankehitriny, izany dia ny Tompo Jesosy. Ndao isika ho vonona ho an'Ny Fihaviany.

¹¹⁷ Te-hiteny tantara kely iray aminareo aho izay reko taona vitsy lasa izay; eo am-pamaranana. Ity Fampakarana tampoka, haingana an'ilay Fiangonana ity!

¹¹⁸ Ankehitriny dia hoy ianareo hoe, "Hiseho ireo zavatra sasany, amin'izay fotoana izay aho vao ho vonona." Aoka ho vonona ankehitriny. Vao avy notantaraiko taminareo ny amin'ny Pearl Harbor sy ny amin'ireo toerana maro izay nandàvan'izy ireo ny hihaino an'ilay fampitandremana. Nandà ny hihaino an'izany izy ireo. Tsy nisy na inona na inona tavela afa-tsy fitsarana Masina teo amin'ny olona. Ankehitriny, ny rehetra izay tsy hiditra ao amin'i Kristy dia ho eo ambanin'ny fahatezeran'Andriamanitra sy ny fitsarana Masina. Aza avela hitranga aminareo izany azafady.

¹¹⁹ Tsy mampaninona izay hany hivadihan'ny Branham Tabernacle, aoka tsy ho izany ianareo. Aoka ho mpanompon'i Kristy ianareo. Tsy mampaninona izay ataon'ny fiangonan'izao tontolo izao, aoka ho mpanompon'i Kristy ianareo. Tsy miankina amin'ny Branham Tabernacle izany, tsy miankina amin'ny fiangonana hafa koa izany. Miankina aminareo, amin'ny mahaisam-batan'olona iray, ny ho vonona amin'ny Fihavian'ny Tompo. Tsy maintsy vonona ianareo. Tsy maintsy vonona aho. Hamafa ny dian-tongotro manokana aho. Miankina aminareo ny mamafa ny dian-tongotraereo. Avelao hipetraka tsara ny ahy; izaho hamela ny anareo hipetraka tsara. Tsy maintsy manao ny fitafianareo ho vonona ianareo.

¹²⁰ Nisy tompon-toeram-piompiana malaza iray, ary nanana toeram-piompiana iray goavana midadasika izy, tany amin'ny ampahany avaratr'i Colorado, akaikin'ilay faritry ny tendrombohitra.

¹²¹ Araky ny fantatrareo rehetra, efa tany amin'ny toeram-piompiana kely iray aho teo amin'ny fiainako, fitaingenana sy ny sisa. Ny iray tamin'ireo antsoko avy tamin'Andriamanitra, dia rehefa nipetraka teo ambonin'ny nifinifin-kodiarana tranaibay iray an'i Texas, niaraka tamin'ny basy iray teo ambonin'ny lasely ary basy poleta iray teo amin'ny valahako; rehefa nandre an'ireo hazo nitsoka aho, naneno tahaka ny Feo iray nanao hoe, "Adama, aiza ianao?"

¹²² Ary rehefa njery nankany amin'ireo kintana aho, ka nandre an'i Slim antitra, cowboy antitra iray avy any Texas, nitsoka tamin'ny alàlan'ny fihogo niaraka tamin'ny singan-taratasy iray (Tany teo amin'ny hazo fijaliana izay nahafatesan'ny Mpamonjiko, teo no niantsoantsoako ho an'ny fanadiovana ny fahotako; Teo no nampiharana Ny Ràny tamin'ny foko; Voninahitra ho an'Ny Anarany), Nosintoniko nankeo amin'ny

tarehiko ilay bodofotsy ary niezaka hanafina ny tenako, satria njery niondrika tao amin'ireo havoana ireo Andriamanitra.

¹²³ Teo amin'ny iray tamin'ireo toeram-piompiana ireo izany, izay ividianan'ireo orin'asa lehibe mpanao sakafy am-bifotsy ny biby fiompiny, mitondra azy ireo mankao an-tendrombohitra, ary avy eo dia mamoaka azy ireo rehefa teraka ireo zanak'omby, amin'ny—amin'ny fararanon'ny taona, ary manisy marika azy ireo, ka mivarotra ny sasany amin'ireo andiam-biby antitra, sy ireo omby vositra sy ny sisa, ary mandeha mankao amin'ny... mampitombo an'ireo andiam-biby fiompiny lehibe.

¹²⁴ Ary teo amin'ity toeram-piompiana anankiray ity, ilay tompony, na ilay mpikarakara, izay antsoinay any hoe, “ilay lohany,” ilay lehiben’ny mpiasa, nanana zanakavavy teo amin’ny dimy teo izy. Vehivavy tsara tarehy izy rehetra, tanora, tokan-tena.

¹²⁵ Ary nisy ramatoa kely iray tany, izay zanaky ny iray tam-po amin'ireo zazavavy ireo, izay samy efa maty ny rainy sy ny reniny. Ary nentina tany izy mba ho...hipetraka hiaraka amin'ny—ny dadatoany.

¹²⁶ Ary ireto zazavavy ireto, fa tao anatin'ireo karazana akanjo marevaka ireny izy ireo, fantatrareo, ary—ary—ary nalain’izy ireo fotsiny io zazavavy kely mahantha io ka nataon’izy ireo tahaka ny biby iray fotsiny izy. Ary narotsaka teo aminy ny asa mafy rehetra. Nanasa vilia izy. Nanadio izy. Nanamboatra ny fandriana izy. Izy—izy no tsy maintsy nanao an’izany rehetra izany. Ary nijanona teo fotsiny izy ireo niaraka tamin’ny hoho mangirana sy lokon-tarehy, ilay karazan-javatra eo amin’ny molotr’izy ireo, ary voavoatra tsara, fantatrareo, matikambo fotsiny.

¹²⁷ Ary manao an’izany izy ireo indrindra rehefa ren’izy ireo fa avy any Chicago, ilay orin'asa goavana manao sakafy am-bifotsy izay tompon'ilay fikambanana, ny zananilahy tanora, tokan-tena dia tonga mba hitsidika an'ilay toeram-piompiana. Oh, mitafy akanjo tsara izy ireo! Ah! Fa miakanjo izy ireo ary vonona ho an’ny fihaviany! Ary isan-kariva dia nisy firesahana hoe, hanintonia an’ity lehilahy tanora ity izy ireo ka hanambady azy. Iza no... Noho izany dia tompon'ilay toeram-piompiana izy ireo, ny tenany, satria ilay zanakalahy no handova ny rehetra. Noho izany dia nanao ny tenany ho vonona izy ireo.

¹²⁸ Noho izany, hitanareo, misy fahavononana iray hatao. Manao ny tenanareo ho vonona ianareo, amin'ny fikambanana amin'ny fiangonana na zavatra iray, tsy izany ihany no takian’izany. Tsy maintsy manana Solika ianareo ao anatin’ny fanilonareo. Hitanareo? Ny haingonareo fotsiny, manao hoe, “Hanorina fiangonana goavana iray isika. Hikambana amin'ny anaram-piangonana iray tsaratsara kokoa isika. Isika dia—

hividy orga lehibe iray isika, ho an'ny Tompo. Hanamboatra sezamihaja isika.” Tsy izany no takian’Andriamanitra.

¹²⁹ Fahamarinana no takian’Andriamanitra, ao amin’Ny Zanany, Kristy Jesosy. Izany ireo fitafiana. Satria hoy ny Baiboly hoe, “Ny akanjo fotsy izay iravahany, dia ny fahamarinan’ireo olo-masina.” Noho izany izy . . .

¹³⁰ Nihevitra ireto zazavavy ireto fa hanao ny tenany ho vonona amin’ny fihavian’ity lehilahy tanora ity izy ireo. Mazava ho azy, ity zanaky ny iray tam-po mahamantra ity, mampahatsiahy ahy olon-dratsy anankiray tany ho any izany. Afaka mankasitraka azy ianareeo. Vehivavy iray tsara tarehy izy. Fa, oh, oadray! Zazavavy kely iray mahafinaritra izy, saingy tsy noheverina akory aza izy teo anivon’izy ireo, tsy toy ny havana iray.

¹³¹ Ankehitriny saiky izany no sary marin’ilay tena Fianganana, amin’izao andro izao, eo anatrehan’ireo anaram-piangonana. [Elanelana tsy voaraki-peo—Mpand.] Tsy noheverina akory aza; andiana iraisan’anaram-piangonana iray, andiana voaroaka iray.

¹³² Noho izany dia nandroso fotsiny ilay zazavavy kely mahamantra, niasa. Ary rehefa tonga ilay lehilahy tanora . . .

¹³³ Tsy fantatr’izy ireo ilay izy, fa tonga hitady vady iray izy. Leo an’ireo zazavavin’ny tanàna izay nijanona ho saribakoly fotsiny mihitsy izy, ary, oh, fantatrareo, mihodinkodina any amin’ireo trano fisotroana, sy mandeha ao anatin’ireo Cadillacs, ary ireo—ireo zavatra samihafa. Izy ireo—leo an’izany fotsiny izy ireo. Nieritreritra izy hoe, “Handeha any Andrefana aho ka hitady ho ahy ny—tena zazavavy iray izay ho tena reny iray ho an’ireo zazakeliko. Ary olona iray izay tsy handeha mihitsy ao amin’ireo antokon’ny fanjairana ary ireo—ary ireo fikambanana sy ny sisa, fa ho tena reny iray mihitsy.” Inona no hitany rehefa tonga teo izy, afa-tsy ilay zavatra iray ihany izay nomelohiny tany Chicago?

¹³⁴ Manontany aho raha hahita fianganana iray ny Tompo Jesosy, anaram-piangonana iray fotsiny, ara-anarana fotsiny hoe, “fianganana iray,” tsy misy Solika ao anatin’ireo fanilo, tsy vonona handeha? Oh, manana akanjo tsara izy ireo. Manana an’ireo fianganana goavana indrindra izy ireo, ilay ity goavana indrindra, ary ireo zavatra rehetra ireo. Fa tsy izany no ilain’Andriamanitra. Mila anareo amin’ny mahaisam-batan’olona iray Izy. Mety manana an’ireo pasitera tsara indrindra izy ireo, mety manana an’ireo komitin’ny diakona tsara indrindra izy ireo, fa mila anareo miaraka amin’ny Solika Izy. Tonga Izy haka an’io Solika sy Ampakarina io.

¹³⁵ Ary rehefa izy, ity zazalahy ity, no njery azy ireo, dia kivy izy. Ary tamin’io alina izay nanaovan’izy ireo ny zavatra teo amin’ny lamina io . . . Tamin’ireo andro ireo, efa ela be izany, izy ireo dia niantso an’ilay “Charleston,” izay mitovy amin’ny

rock-and-roll iray mihitsy. Ary nandeha nikarakara ny iray tamin'ireo fety goavana ireo izy ireo. Maro aminareo olona no mahatsiaro an'io dihy Charleston fahiny izay nataon'izy ireo io, tany aoriania fotsiny aho ankizy iray, rehefa tany aho. Ary noho izany dia nanao an'ireo akanjo keliny mainty sy fotsy izy rehetra, fantatrareo, mba hanaovana an'ilay... Oh, ilay izy dia antsoina hoe "Charlestons," ary "black bottom." Izany no niantsoan'izy ireo azy. Ary nanao an'ireo akanjo roa-loko izy ireo, ary nandeha nankany amin'ireo dihy ireo.

¹³⁶ Ary, fa, leo an'io karazan-javatra io ity zazalahy ity. Nitady tena zazavavy iray izy, noho izany dia nitsoaka niala tamin'ny fetin'izy ireo izy. Nodinihiny izy ireo. Tonga mba hijery azy ireo izy.

¹³⁷ Toy izany koa ny Zanakalahy hafa iray izay fantatro. Ho tonga ao amin'ny fiangonanareo ny Zanakalahy hafa iray. Izy dia... Zanak'Andriamanitra, ho tonga eo Izy. Hijery manodidina Izy. Ho Hitany fa miakanjo tsara ianareo. Izy dia—ho Fantany fa mambra tsara iray ianareo. Saingy mitady zavatra hafa noho ilay firehana mahazatra an'ilay fiangonana Izy.

¹³⁸ Noho izany rehefa njery manodidina izy, afaka kelikely, dia tena kivy izy. Nandeha nivoaka ny varavarana izy.

¹³⁹ Ary nandeha niverina, nandeha tao anatin'ny diavolana, nankany amin'ilay tranon'ny mpiasa, dia nandre olona iray somary nisamonomonona izy. Dia njery manodidina izy. Ary indro nandeha ity zazavavy kely ity niaraka tamin'ny vilany goavana be iray nisy rano fanasam-bilia, tao anatin'ny alina, tsy nanao kiraro, mba hanary an'ilay rano fanasam-bilia. Ary vantanay vao nahita azy izy, dia nisy zavatra hafa iray nanao hoe, "Io no izy. Io ilay anankiray." Noho izany dia nametraka ny tenany teo amin'ilay lèlana izy. Ary rehefa izy... Izany dia rehefa niverina teo amin'ilay fefy tamboho izy, nahoana, nitsangana teo izy. Ary saiky torana izy.

¹⁴⁰ Hoy izy hoe, "Manao ahoana ianao?" Ary hoy izy hoe, "Iza no anaranao?" Dia noteneniny taminy ny anarany, ary ilay anarana iray ihany an'ilay sefon'ny toeram-piompiana ilay izy. Hoy izy, "Noho izany dia tsy mety azoko hoe ahoana fa izany... Rainao ve izany?"

¹⁴¹ Hoy izy, "Tsia. Zanaky ny iray tam-po fotsiny aho, hitanao. Mpirahalahy izy sy ny raiko. Mitondra an'ilay anarana iray ihany aho. Fa izaho... Izany, ilay sefo izany."

¹⁴² Mety manana ny anaran'ilay fiangonana ianareo, mety manana ny anaran'ny Branham Tabernacle ianareo, na Metodista, na inona fiangonana andehananareo. Tsy izany ilay izy, ry sakaiza. Hitanareo? Zavatra iray hafa ilay izy. Ilay izy dia ny toetranareo. Izany no jeren'Andriamanitra. Mety ho Metodista ianareo. Mety ho Batista ianareo. Mety ho Presbyterana ianareo. Tsy izany ilay izy. Toetra no

jerer'Andriamanitra. Tsy toetra eto an-tany fotsiny, fa toetran'ny Fanahy Masina. "Izao famantarana izao no hanaraka an'ireo izao mino," hoy Jesosy, ao amin'ny toko faha-16-n'ny Masindahy Marka.

¹⁴³ Tena taitra loatra izy hoe—hoe izy dia niresaka taminy, mihitsy aza. Ary nanondrika ny lohany izy, ka nihazakazaka niditra nankao an-trano.

¹⁴⁴ Tany izy nandrity ny herinandro iray na roa, ary njery manodidina izy, hatraiza hatraiza. Ary tsy nilaza intsony mihitsy izy, fa nanohy nandinika azy. Ary ny hariva talohan'ny niaingany... Tsy maintsy hiainga izy ny ampitso maraina. Nikarakara fety goavana hafa iray izy ireo. Dia nitady azy izy. Tsy afaka nahita azy izy. Fantany fa tsy maintsy nanao an'ireo fanasam-bilia sy ny sisa izy, noho izany, ilay asa maloto sy ny rehetra izay azo natsipy.

¹⁴⁵ Ary tahaka an'izany no tsy maintsy handraisan'ilay tena Fianganon'Andriamanitra azy indraindry, ilay asa maloto, ireo anarana manafintohina rehetra, ary ireo zavatra rehetra izay ratsy, hatsipy eo Aminy. Ary vorona lehibe iray feno tasy Izy. Ireo vorona hafa rehetra dia miangona manodidina sy mitangorona eo Aminy. Mety tsara izany. Ny anarany dia eo amin'ny Bokin'ny Fiainan'ny Zanak'ondry. Hamelatra ny Elany lehibe Izy indray andro any ho an'ny fanidinana iray. Vonona Izy. Ireo tasy ireo dia midika fa ny Ràn'i Kristy no nafafy teo Aminy. Hitanareo? Namaky an'izany ao amin'ny Bokinareo ianareo, ny Baiboly.

¹⁴⁶ Ary tratran'ity tovolahy ity nivoaka ilay ramatoa kely tamin'io hariva io. Hoy izy hoe, "Nandinika anao aho. Tsy misy olona mahafantatra an'izany afa-tsy ny tenako." Hoy izy hoe, "Tonga eto aho hitady vady iray. Ary izay rehetra hany hitako, dia ianao no mahatanteraka an'ireo fitakiana." Toy ny ahoana no tsapany? Ny zanakalahin'ilay lehilahy goavana no manontany azy ankehitriny raha hety ho vadiny izy.

¹⁴⁷ Eritrereto fotsiny hoe ahoana no tsy maintsy tsapan'ireo zazavavy ireo rehefa njery teo amin'ny varavarankeliny izy ireo ka nahita, nifampitantana, tamin'io zanaky ny iray tam-po kely, nohamavoina io, ilay lehilahy izay nezahan'izy ireo ho sintonina, miaraka amin'ireo akanjony goavana sy tsara tarehy rehetra, ary nanao hadalana.

Dia hoy izy hoe, "Hanambady ahy ve ianao?"

"Oh," hoy izy, "tompoko, tsy mendrika aho."

¹⁴⁸ Tahaka an'izany no tsapan'ilay tena Fianganana mikasika an'izany, "Tsy mendrika aho. Izaho afaka... Raha afaka manasa ny Vilianao fotsiny aho, dia ho mety tsara izany." Manaiky ny haka an'izany toerana izany ve ianareo? Afaka hanasa an'ireo vilia avy amin'ny Sakafo hariva ve ianareo? Hanaiky ny hantsoina hoe fanaticika ve ianareo? Na, hanaiky ny handray

an'ilay lèlana miaraka amin'ireo vitsin'ny Tompo nohamavoina ve ianareo? Manaiky ve ianareo?

¹⁴⁹ Manaiky ve ianareo, any amin'ny asanareo, ny ho voaisy marika hoe, "Misy lehilahy iray, mpivavaka fanaticika iray izy, satria tsy hisotro izy, tsy hifoka izy, tsy mandihy izy, tsy manenji-behivavy izy"? "Misy vehivavy iray izay mihazona ny lohany miondrika, izy dia mandeha tahaka...manerana ny tanàna. Izy tsy... Tsy hikambana amin'ny antokontsika izy"?

¹⁵⁰ Manaiky ve ianareo ny handray an'ilay lèlana, hanao ny tenanareo ho vonona ho an'ny Fihavian'ny Tompo? Raha manana ianareo... Raha manaiky ianareo, dia hiandry Azy ho tonga. Ho faly amin'Ny Fihaviany ianareo. Tsy ho zavatra iray mahatahotra izany. Izany no ho fotoana mahafinaritra indrindra izay azonareo eritreretina, ny Fihavian'ny Tompo. "Ireo rehetra izay tia ny Fisehoany."

¹⁵¹ Noho izany, rehefa niainga izy, dia niteny taminy fa hiverina izy amin'ny fotoana anankiray. Hoy izy, "Rehefa manomboka mahita ianao..." Ririnina tamin'izay. Hoy izy, "Rehefa manomboka mahita an'ireo hazo ireo manomboka mitsimoka ianao, any, io caroubier sy ny karazany io manomboka mandray fiainana vaovao," hoy izy, "amin'izay fotoana izay dia hiverina aho eo amin'ny lohataona eo."

¹⁵² Azoko, tsy afaka milaza aho hoe marina ilay izy, fa nahazo iray dolara sy dimy amby fitopolo cents isan-kerinandro fotsiny ilay zazavavy ho an'ny asa mafiny. Saingy nitahiry ny iraimbilanja tsirairay tamin'izany izy. Nahoana? Nivonona ho an'ilay mariazy izay hisy izy. Nitahiry ny volany ho an'ny akanjo mariaziny izy. Satria hoy izy hoe, "Hivady eto amin'ny toeram-piompiana eto mihitsy isika rehefa miverina indray aho." Nitahiry ny volany nandritry ny taona rehetra izy. Faly izy. Tsy nampaninona azy ny nanasa an'ireo vilia. Tsy nampaninona azy ny nipa soka an'ireo akanjo, na namafa ny tranon'ny mpiasa, na inona koa. Voafofon'ny sefon'ilay toeram-piompiana izy.

¹⁵³ Inona no iraharahantsika an'izay lazain'izao tontolo izao, tena Kristiana iray? Inona no iraharahantsika raha tsy maintsy ho hamavoina sy lavina isika? "Sambatra ny malemy fanahy, fa izy ireo no handova ny tany." Ho avy ny Zanakalahin'ny Sefo, indray andro any, ka handeha hankany amin'ny Sakafô harivan'ny Mpanambady isika. Inona no fahasamihafana ataon'izany amintsika, raha tia ny Fihaviany ianareo?

¹⁵⁴ Rehefa izany rehetra izany no... Lasa ireo andro. Ireo zanakavavy kely, ireo zanaky ny iray tam-po kely, dia naneso azy, nandihy nanodidina azy, ary nanao ny zavatra hafa rehetra. "Eny," hoy izy ireo, "ianao ankizy mampalahelo, adaladala! Fantatrao ve fa raha izy... Nahoana, tahaka an'ireo lehilahy hafa rehetra fotsiny izy. Namazivazy anao fotsiny izy."

¹⁵⁵ Fa ilay Zanak'Andriamanitra tsy mamazivazy. "Raha tsy ateraka indray ny olona, dia tsy hiditra mihitsy izy..." Tsy ahoako na toa tsara toy ny ahoana aza ianareo, fiangonana firy no ikambananareo, inona ny satanareo ato amin'ny firenena. Mety ho politisiana iray ianareo. Mety ho ao amin'ny governemanta federaly ianareo. Mety ho ao amin'ny Katolika ianareo, Presbyterana, ny fiangonana rehetra izay tianareo hisy anareo. Fa, ilay izy dia, "Raha tsy ateraka indray ny olona, dia tsy hiditra ianareo. Ary izao famantarana izao no hanaraka an'ireo izay mino." Manonona Ny Teniny fotsiny ihany aho.

¹⁵⁶ Farany, rehefa tonga ilay ora, dia nanomboka hitany io, nanomboka tonga teo amin'ny hazo ireo tsimoka. Fantany fa ho eo izy amin'ny fotoana rehetra. Ary hoy izy hoe, "Hiezaka aho ny hanao an'ilay izy amin'ny filentehan'ny masoandro mihitsy, mba ahafahantsika mivady ka handeha haingana." Ary isan-kariva, tamin'ny filentehan'ny masoandro, rehefa izy—lasa izy ary naka, nanao ny tenany ho vonona tanteraka, nanao ny akanjo mariazy keliny, ary niandry teo amin'ny vavahady.

¹⁵⁷ Ary tonga ireo zanaky ny iray tam-po kely ireto ka nihomehy azy, sy naneso azy, ary nanao hoe, "Ianao ankizy mampalahelo, adaladala, tsy mahay. Mieritreritra fa ilay—ilay lehilahy izay manana... Izy no Filoha, raha ny marina, an'ilay orin'asa, ka ny zananolahy dia hanambady mpanasa vilia iray!"

¹⁵⁸ Nitady fahadiovana izy, fa tsy akanjo. Nanana vola ampy hividiana ny akanjo rehetra izay nilaina izy.

¹⁵⁹ Tsy raharahan'Andriamanitra ny hoe goavana toy ny ahoana ireo zava-tsarobidy anananareo. Manana ny zavatra rehetra eto amin'izao tontolo izao Izzy. Noho izany, mila fahadiovana Izzy. Mila zavatra izay tena misy Izzy.

¹⁶⁰ Noho izany, farany, indray hariva, raha mbola nitsangana teo izy, ary nihomehy sy naneso azy izy ireo, ka niteny taminy fa adaladala izy. Tampoka teo, nandre kitro nitsambikimbikina izy ireo. Inona no nitranga? Tonga nanerana an'ilay havoana ny kalesy iray. Ankehitriny, ny kalesy iray dia voatiry kely iray, misokatra ny tampony, tena malaza any Andrefana. Ary nampikorintsana ny kitrony ireo soavalny rehetra sy ny zavatra rehetra, tonga. Nanerana ny havoana, tonga io kalesy io, ary nijanona teo anoloan'ilay vavahady. Dia nihazakazaka izy. Hoy izy hoe, "Fantatro fa ho tonga ianao."

Ho toy izany ilay Fiangonana indray andro any.

¹⁶¹ Nanipy ny tenany teo an-tsandriny izy, ka hoy izy hoe, "Malala, nametraka lehilahy iray nijanona teto amin'ity toeram-piompiana ity aho hatramin'ny nialako teto tamin'ny taon-dasa, izay nandefatittra tamiko ny amin'ny zavatra rehetra izay nataonao."

¹⁶² Manana Lehilahy iray mijanona ao amin'ity tabernakla ity Andriamanitra, izao maraina izao, Izzy dia antsoina

hoe ny Fanahy Masina. Fantany ireo tsiambaratelon'ny fonareo. Fantany ny zavatra rehetra izay nataonareo, na izay eritreretinareo. Teneniny amin'ny Ray ny zavatra rehetra izay ataonareo. Mitondra ny hafatra mandroso sy miverina Izy.

¹⁶³ Hoy izy hoe, “Ary izy no niteny tamiko fa niandry ianao, ary niasa ianao, ka niasa mafy tamim-paharetana, niandry ahy ho tonga. Ankehitriny, efa andevo iray ianao nandrity ny ela be, saingy tapitra ny androm-panandevozanao ankehitriny. Nentiko ilay mpitoriteny, eo ambanin’ity fidirana kely misy raozy ity mihitsy, dia lasa vadiko ianao.” Norohany izy, nametraka an’ilay peratra mariazy teo amin’ny rantsan-tànany, ary naka azy ka nametraka azy tao anatin’ilay kalesy, niaraka tamin’ny sandriny nanodidina azy. Ary niainga, mba hahita an’io lapa goavana vaovao any Outer Drive any Chicago io, ilaynofidiana avy tamin’ny firenena, izay ahafahany hiaina ho ny ampakariny.

¹⁶⁴ Nahoana? Vonona izy. Niaina izy ary efa ilay karazana vehivavy izay nilainy. Fotoana fohy fotsiny no nitrangan’izany.

¹⁶⁵ Ary io Fihavian’ny Tompo tampoka, miafina io, izao tontolo izao dia tsy mahafantatra fa hitranga izany, fa isika no mahafantatra. Antomotra izany. Aoka tsy ho tahaka an’ilay ramatoa tanora izay nanendaka ny akanjony, tany Pearl Harbor, hilentika ao amin’ny fahafaham-baraka ianareo. Aoka ho tahaka an’ilay Anankiray izay nanao ny Tenany ho vonona, ka nitahiry ny Fahadiovany, ka niandry ny Fihavian’ny Tompo, satria ho miafina sy tampoka izany.

¹⁶⁶ Raha mbola mieritreritra an’ireo zavatra ireo ianareo, dia ndao isika hanondrika ny lohantsika Aminy Izay ho avy.

¹⁶⁷ Alohan’ny hiresahantsika Aminy mihitsy, ny lehilahy tsirairay amin’ny fanaony manokana, ny vehivavy tsirairay, zazalahy, na zazavavy. Ary raha mbola miresaka Aminy aho dia fantaro fa Ny Mpiasany miafina, ilay Anankiray izay tsy mety hitanareo amin’ny masonareo, noho izany dia Mpiasa miafina iray Izy, ilay Fanahy Masina voatahy dia ato amin’ity trano be ity. Tianareo ve ny Ahatsiarovany anareo eo anatrehan’ny Ray, izao maraina izao, hoe te-ho vonona ianareo, ka rehefa tonga Izy, dia handeha hiaraka Aminy? Raha tianareo, dia hanangana ny tânareo Aminy ve ianareo? Ny Tompo hitahy anareo. Ataoko fa saiky ny tâna rehetra ato amin’ny tranobe; ny ahy, ihany koa. “Tiako Ianao, Fanahy Masina, hiteny amin’ny Ray hoe, ‘Mijere eo amiko. Izaho dia—mandray ny lâlako miaraka amin’ny Olony nohamavoina aho. Izaho—te-handeha aho, te-ho vonona. Izaho—te-ho vonona aho izao ankehitriny izao, satria mety ho tonga alohan’ny ifaranan’ny favoriana Izy.”

Rava ireo firenena, mifoha Isiraelly,
Ireo famantarana izay notenenin’ireo mpaminany
mialoha;

Voaisa ny andron'ny Jentilisa, miaraka amin'ny tahotra manarona;
“Miverena, O ry niely, amin'ny anareo manokana.”

Akaiky ny andron'ny fanavotana,
Raiki-tahotra ny fon'ny olona;
Aoka ho fenoina ny Fanahin'Andriamanitra, ny fanilonareo hadio sy hazava,
Miandrindrà! Akaiky ny fanavotana anareo.
Mitombo ilay hazo aviavy; tafaverina Isiraely.

¹⁶⁸ O Andriamanitra! Mamoaka ny tsimony ilay hazo aviavy, miverina ho firenena iray Isiraely! Rehefa nandre ny pasiterantsika aho izao maraina izao, niresaka, nivavaka ho an'ny Isiraely! Tsy fantatrateo ve fa izany no fivoahan'ireo tsimoka? Tsy maintsy tonga Izy amin'io fotoana io.

¹⁶⁹ Nahita an'ilay *Telo Minitra Alohan'Ny Misasak'alina*, ilay lahatsoratra, nahita an'izany teo—teo amin'ny fakan-tsariko manokana, na ny fandefasana tao ambany rihako, rehefa ireo Jiosy antitra nandringa ireo ka tonga tao anatin'ireo sambo sy ny zavatra rehetra, avy tany amin'izao tontolo rehetra izao. Hoy ilay mpanontany hoe, “Tonga ao amin'ny tanindrazanareo ve ianareo, mba ho faty ao an-tanindrazana?” Hoy izy hoe, “Tsia. Tonga izahay mba hahita ny Mesia.”

¹⁷⁰ Mitombo ilay hazo aviavy. Tsy afaka mahita an'izany ve ianareo? Akaiky ny Andron'ny Fanavotana.

Mandainga ireo mpaminany sandoka, lavin'izy ireo ny Fahamarinan'Andriamanitra,
Hoe Jesosy Kristy no Andriamanitsika;

Tsy afaka mahita ve ianareo hoe aiza no misy antsika?

Fa handeha eo amin'izay nohitsahin'ireo apostoly isika.

Akaiky ny andron'ny fanavotana,
Raiki-tahotra ny fon'ny olona; (Eritrereto izany!)
Aoka ho fenoina ny Fanahin'Andriamanitra, ny fanilonareo hadio sy hazava,
Miandrindrà! Akaiky ny fanavotana anareo.

¹⁷¹ Tompo Andriamanitra, ao amin'ity fotoana lehibe ity, izay ijereko an'ity fiangonana kely ity ka mahita an'ireo tarehy mena sy takolaka voapentin-dransomaso, dia fantatray tsara fa mitsangana akaiky ilay Mpiasa mafina, ny Fanahy Masina.

¹⁷² Avelao izahay ankehitriny handray an'ilay lâlana miaraka amin'ny vitsin'ny Tompo nohamavoina. Raha misy fisalasalana kely ao amin'ny fiaraha-moninay, eo anivon'ny olona, eo anivon'ny fiangonana, na aiza na aiza ilay izy, tsy misy idiran'izany aminay. Izahay tsy handoto ny fitafianay amin'ireo zavatr'izao tontolo izao, intsony. Satria ho avy Ianao indray andro any ao anatin'ny fotoana iray, ao anatin'ny indray mipi-

maso, io Fampakarana tampoka, miafina an'Ny Fiagonanao io. Ho avy eo ambonin'ny havoanan'ny fotoana Ianao, eo amin'ilay avana mitsivalana, mba haka an'ilay Fiagonana, satria hoy ny Soratra hoe, "Ho tsofina ny Trompetran'Andriamanitra. Ary hitsangana ny maty ao amin'i Kristy. Ka hakarina miaraka amin'izy ireo isika, eny amin'ny habakabaka, hitsena ny Tompo, ary hiaraka amin'ny Tompo mandrakizay. Noho izany, ry rahalahiko, dia mifampionona amin'izany teny izany."

¹⁷³ Aoka haneno lalina ao am-pon'ity fiagonana ity izany izao maraina izao. Hidera Anao izahay amin'ny Anaran'i Jesosy. Amena.



NY FIAINGANA TAMPOKA, MIAFINA AN'ILAY FIANGONANA MAG58-1012
(The Sudden, Secret Going Away Of The Church)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 12 Oktobra, 1958, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org